

**A**pricus hoc dum denique tempore,  
Spirantibus lentum Zephyris, tepet  
Aër: eunt dum blanda Veris  
Tempora: dumq; suum, parens quod  
Natura svadet, Silvicolæ student  
Aves genus producere, posteros  
Usque in dies, cum cæteris, quâs  
Luce frui datur hacce, brutis;  
Lasciva mox tectis puerum cohors  
Prolapsa, cum frondentibus aspera  
Virgulta silvis pervagatur,  
Et reperisse cupit locum, quò  
Ipsæ loquaces dædalum opus domus  
Suspenderint, exinde tenellulos  
Pullos ut asportare, matris  
Delicias miseræ, potissit.  
Næ! Sponse, Vir clarissime, plurimum  
Calles, Tibi miros reperisseque  
Nidos, probabiliq; amatis  
Alituum ratione pullis  
Potirier: sed, quod pueros juvat,  
Non omnibus nidum spoliis suis  
Pullis: sed unicum, flagranter  
Quem sibi Cor petiit, reportas.  
Hem! Sponse, Pullum gratulor, intimo  
Ex cordis hujus, quod meritum Tibi  
Lubens honorem offert, recessu.  
Gratulor: at Tibi gratulantis  
Vocem strepentem, atq; hos teneros modos,  
Inter canoros partem aliquam Cycnos,  
Qui melleo sunt gratulati  
Carmine, sponte sinas habere.

Observantiz ergò f.

*Michael Walter Francob. L.L. Stud.*

**FINIS.**